

636(15) 0-2b
1

K34/33

Diaparō le dikgabišō

J.M. Malatši.

Dress & ornament of Makhušane's

Mehuta ya diaparō tša banna ke ye:-

- Lekgeswa le dirwa ka mokgopa.
- Mongatse goba katiba o dirwa ka mekgopa.
- Lethebō le dirwa ka matlalo goba mekgopa.
- Mabethela a dirwa ka mašapō a lewatle.
- Maseka a dirwa ka tšhipi.
- Mphašane o dirwa ka matlalō.

Mehuta ya diaparo tša basadi ke ye:-

- Mose o dirwa ka matlalo a diphōōfōlō
- Thetho e dirwa ka matlalo a diphōōfōlō
- Ntepa e dirwa ka matlalo
- Legabe le dirwa ka mohlare (sefero)
- Mōkgōpa wa phala ke kobo ya mosegare.
- Maseka basadi ba kgoši
- Mphiri ke aparō sa basadi kamoka.
- Kgohlo ke aparō sa basadi kamoka.
- Kgale bana ba be ba sa apešwe selo ge e se ge a godile.

Lekgeswa le be le dirwa ke banna gomme basadi ba tlotša letsōko gore e ~~be~~^{be} le le botse ge monna a apere.

2 Makgeswa a monna a ba mabedi. Le lengwe ke la go šoma le lengwe ke la mohla wa monyanya. Lekgeswa le be le dirwa ke basila goba bahlalifi. Lekgeswa la monna le a šomago ka lōna ga le dumelelwe go aparwa ke motho yo mong. Monna yo mong a ka adingwa lekgeswa la monyanya ke monna yo mong. Lekgeswa la lešōbōrō ga le swane le la monna wa go wela. La monna le na le makōnē. La lešōbōrō ga le na makōnē. Makōnē ke ditshiba tše bjalo ka diphego tša nonyane ka morago.

Lekgeswa la lešōbōrō ke mphollo. Lešōbōrō ga le tlotši lekgeswa ka letsōko. Letsōko ke lebje le lehubedu, gomme le a šilwa la hlakangwa le makhura.

Mongatse o aparwa hlogong. Gomme ke seaparo sa banna fela. Mongatse o dirwa ka matlalo a dibatana.

3 Mongatse o dirwa ke basila goba batho ba bohlale. Mongatse wa kgoši ga o swane le mengatse ya banna kamoka.

Gomme ona o dirwa ka matlalo a dibatana bjalo ka phukubje goba tetekgwe le tše dingwe tša mmala o botse. Mongatse ga o a dumelelwa go aparwa ke monna yo mong ge e se mong wa wona fela. Kgale banna ba be ba sa šomiši katiba goba mongatse bjalo ka mehleng yeno ka baka la bothakga bjo bo dirwago hlogong ya monna.

Lethebo ke kobō yeo e dirwago ka matlalo a mantšhi gore e be kg kobo ya bošegō. Gomme ke modiro wa banna ba basila goba baroki. Ge le fedile le tlotšwa tsoko gore le borethō. Kobō ye ke yabatho ba bagolo. Bana ba šogelwa letlalo la phōšfōlō ye kgolo fela. Lenaga la dikgoši ga le swane le a batho kamoka. Lōna le dirwa ka matlalo a nkwe goba tau. Gona le lenaga la bošego goba la mosegare. Kgoši e tsebja ka naga la nkwe goba tau.

4 Lenaga la nkwe le aparwa ke bakgomana fela.

Mabethela a dirwa ka mašapo a diphōšfōlō tša lewatle. Gomme a ke a dikgoši le bakgomana ba gagwe. Ga e le banna ba bangwe ba apara a diphōšfōlō. Mosadi ga dumelelwa go apara mabethela a mašapo.

Maseka a maso ke seaparo sa dikgoši fela. Ge motho yo mongwe a ka hwetšwa a apere ke molato wa go lekana kgarebš.

Gomme ona a dirwa tšhipi ye ntsho, Ke batho ba bohlale. Maseka a dikgoši a aparwa maotong le matsogong le molaleng.

Mphašane ke seeta sa ba kgale. Sōna se dirwa ka matlalo a diphōšfōlō. Mphašane ga tsene ka gae a aperwe. Ge motho a tsena ka gae a apere mphašane ke molato.

Mphašane o aparwa ke banna le basadi.

636

5 Ge monna a bonwa a apere mphašane ka gae o hwetšwe ke mosadi. Le mosadi ge a ~~xxx~~ apara mphašane o hwetšwe ke monna. Mphašane o aparwa ke batho kamoka. Mphašane o dirwa ka matlalo a diphōšfōlō fela e seng dibatana.

Diaparō tša basadi ke tše.

Mose ke seaparō seō mosadi a se tšwarago ka morago. Gomme wōna ke matla lo a dipudi goba phōšfōlō tše nyane. Gomme o dirwa ke basila e leng banna. Mose o rokwa ka ~~xxxx~~ ditšhika tša diphōšfōlō. Mošomo wa mose ke wo mothata kudu kudu go feta lekgeswa. Sa matho ge o šogilwe o a tlokigwa? Go tlōka ke go ntšha lehlōnō ka thipa goba petlwana. Seō se dirwa ke monna wa tsebo ruri goba ge motho a sena tsebo o tla dira mašoba a mantšhi ge a tloka. Gomme ge motloki a feditše o tla iša go mosegi. Ge mosegi a feditše letlalo le išwa go moroki. Ke gona mose o fedile.

6 Gomme mose o tla tšhelwa tsoko gore o aparwe ke mosadi. Mose o aparwa ke mosadi yo a nyetšwego fela. Mosetsana goba ngwanenyana o apara ntepa.

Thethō ke seaparo sa basadi se aparwago ka pele. Gomme sena se dirilwe ka letlalo la phōšfōlō. Thethō e aparwa ke mosadi yo a nyetšwego. Thethō goba lesōtlō la basadi ba kgoši ke letlalo la dibatana. Thethō ya mosadi yong ga e a duhelelwa go tšwarwa ke mosadi yo mong. Lerōtlō le na le basila ba lona.

Ntepa ke mose wa basetsana ba sešō go tšwa. Gomme yona ga e swane le mose. Ntepa e dirwa ka tlalo la phōšfōlō. Ntepa e na le modiro wo mogolo kudu. Ge motho e se mosila a ka seke a kgona go dira ntepa.

Legabe ke seaparo sa mosetsana seo se aparwago ka pele ga mosetsana. Gomme lona le dirwa ka dinti. Magabe a dirwa ke basetsana ka nnoši. Magabe a dirwa ka dinti tša mohlare o bitšwago sefero. Gomme dinti di follelwa ka dikgohlo. Ge le fedile le bitšwa thethō..

7

Mokgopa wa phala ke kobo ya mosegare ye e aparwago ke basadi ba bagolo. Gomme e tšhelwa tsoko gore e be le borothō.

Maseka a maso a be a aparwa ke basadi ba kgoši. Basadi ba bangwe ba apara mefiri.diatleng le molaleng. Maseka a dirwa ka tšhipi le moditsi ke basila. Maseka a dumelelwa go tšwarwa ke mosadi yo mong.

Banenyana ba apešwa maseka fela e seng a mantšhi. Ge mosetsana a beleditšwe kemo a thomago go apara maseka ka lesogana leo le mmeleditšego.

Mphiri o aparwa ke banna le basadi. Gona le mehuta ye mebedi. Mefiri ye megolo eaparwa molaleng ye menyane e aparwa matsogong. Kgohlō e dirwa ke banna ba basila.

8 Kgohlō e aparwa ke basadi fela. Basetsana ba dira magabe ka yōna. Basadi ba dira dikgabišo tša mose ~~ka kgabišo~~ goba thethō. Ge mosadi a sa dira mose ka kgohlō ga bonwe ke batho goba mosadi yo bothakga. Dikgohlō di a follelwa gomme tša dika noka gomme tša leke-lela. Le lešoboro le rata kudu kgohlō gore a follele e be motepetepe gore a hlomele nake ya go letša. Ge naka ya lešoboro e sena kgohlō ga tšhabje ke thaka tša gagwe.

Diaparō tše kamoka di šomišwa ke batho. Tše dingwe ke tša menyanya. Moriri wa banna o dirwa kgabišo ka go tlotša mošidi. Gomme se se dirwa ka makōkō. Makōkō ke bothakga bja banna. Ge monna a sa dira makōkō o tla nyatšega gare ga basadi. Ke gona monna o tla kgoke le la diala hlogong ya gagwe. Mogong o hlome mafafa a dinonyana goba a mphše. Ge e le mokgomana o hlom meutlwa ya noko. Basadi ba beula tlōpō. Gomme ya tlotšwa tsoko.

9 Basadi ba hloma methaka ya dinonyana. Lešoboro ga ba tlole mešidi. Basadi ba lokela manono a leroro ditsebeng ge banna ba lokela mašapo. Moriri wa banna o a beolelwa. Gomme basadi theka tlōpō. Bana ba beolwa hlogo ba šia moriri phatleng. Banna le basadi ba phulwa ka tsela tša go fapana. Banna ba phula godimo. Basadi ba phula fase ga tsebe.

Banna ba hlabiwa mahlaga ka kōmana. Ge monna a sa bolla ga dirwe dihlaka. Basadi ba dirwa mahlaka dimpeng. Le basetsana ba dirwa dihlaka e sale wa banyane. Ge motho e le lesogana o hlaba sefahlogo a dira ditibatiba. Le mosetsana o hlaba ditibatiba. Banna ba beola maledu.

Monna yo mong le yo mong o beolwa ke mosadi wa gagwe. Ge ngwana a kgola meno o kgolwa ke moratho wa gagwe. Ge a kgošse meno o a tšia a bitša ka dipalene ka sa morago. Ge
10 ngwana a saka a betša leina goba meno ka sa morago a ka seke a mela a mangwe. Ge a sena moratho o tla lesa a kgolega ka nnoši.

Batho kamoka ba dirwa dikgabišo. Fela ga e le mašoboro le bahlakane ga ba diri dikgabišo.

End. S.636.

Ka Motlalekgomo.

J.M. Malatši.